

Visoki predstavnik imenovao međunarodnog sudiju Suda BiH

Odlukom koju je potpisao krajem protekle sedmice, visoki predstavnik Paddy Ashdown je imenovao gosp. Fernanda Correia Estrelu, portugalskog sudiju Krivičnog odjeljenja Vrhovnog suda u Lisabonu, za međunarodnog člana posebnih vijeća za organizirani kriminal, privredni kriminal i korupciju u okviru Krivičnog i Žalbenog odjeljenja Suda Bosne i Hercegovine.

Donoseći ovu odluku, visoki predstavnik je izjavio da je "uspostavljanje pravne države u koju će svi građani imati povjerenje preduslov za trajni mir kao i za samoodrživu ekonomiju koja može privući i zadržati interes stranih i domaćih investitora."

Prvobitno imenovanje je na period od dvije godine uz mogućnost ponovnog imenovanja na period od najviše četiri godine.